

酒却疑身是洞中仙

林下吟 五首錄二

眞工造化豈容私拙者爲謀亦甚微安樂窩深初起後太和湯
醖半醺時長年國裏籃舁往永熟鄉中杖策歸身似升平無一
事數莖髭白任風吹

老年軀體素温存安樂窩中別有春萬事去心閒偃仰四支由
我任舒伸庭花盛處涼鋪簟簷雪飛時軟布裯誰道仙翁拙於
用也能康濟自家身

有物輕醕號太和半醺中最得春多靈丹換骨還如否白日升
天得似麼儘快意時仍起舞到忘言處只謳歌賓朋莫怪無拘
道藏輯要 擊壤集
大 四星集七
檢眞樂攻心不奈何

安樂窩中自訟吟

不向紅塵浪著鞭唯求寡過尙無緣虛更遽瑗知非日謬歷宣
尼讀易年髮到白時難受彩心歸通後更何言至陽之氣方爲
玉猶恐鑽磨未甚堅

林下局事吟

閒人亦也有官守官守一身四事有一事承曉露看花一事迎
晚風觀柳一事對皓月吟詩一事留嘉賓飲酒從事于茲二十
年欲求同列誰能否

謝甯寺丞惠希夷罇